

500 hadiri
kolokium ^{VM}
Pak Sako ^(Hello)
di UMP ^{Rebu}
^{25/9/13}
^{n,26}

KUANTAN 24 Sept. - Lebih 500 warga Universiti Malaysia Pahang (UMP) berpeluang mengenali lebih dekat tokoh sastera terulung, Pak Sako pada kolokium yang dianjurkan Pusat Bahasa Moden dan Sains Kemanusiaan UMP baru-baru ini.

Program dengan kerjasama Dewan Bahasa dan Pustaka (DBP) itu bertemakan Transformasi Pendidikan di Malaysia: Cabaran dan Harapan, dikupas dua ahli panel iaitu Naib Canselor UMP, Prof. Datuk Dr. Daing Nasir Ibrahim dan Timbalan Ketua Pengarah (Dasar) DBP, Prof. Dr. Zaharani Ahmad.

Presiden Majlis Permuafakatan Persatuan Ibu Bapa dan Guru Nasional (PIBGN), Prof. Madya Datuk Dr. Ali Mohd. Hasan pula bertindak sebagai pengantara.

Yang turut hadir Timbalan Naib Canselor (Akademik dan Antarabangsa) UMP, Prof. Datuk Dr. Badhrulhisham Abd. Aziz; Timbalan Naib Canselornya (Hal Ehwal Pelajar dan Alumni), Prof. Yuserrie Zainuddin dan Dekan Pusat Bahasa Moden dan Sains Kemanusiaannya (PBMSK), Prof. Dr. Abd. Jalil Borham.

Menurut Daing Nasir, kolokium yang dianjurkan itu dapat meningkatkan pengetahuan dengan memperkasakan bahasa Melayu agar menjadi bahasa pengembangan ilmu pengetahuan dan teknologi yang berwibawa seiring dengan bahasa lain di dunia.

"Pendidikan negara kini telah mengalami transformasi yang besar dan terpenting bagi membentuk modal insan kelas pertama dalam menjadikan negara berpendapatan tinggi menjelang tahun 2020.

"Melalui kolokium ini, kita membincangkan peranan masyarakat dalam menangani cabaran terutamanya bidang pendidikan yang menyumbang kepada pembangunan modal insan dan ekonomi negara," katanya di sini.

Selain itu, katanya, transformasi pendidikan yang dicetuskan ini dapat meningkatkan kreativiti dan inovasi generasi muda dengan kemahiran untuk bersaing dalam pasaran kerja yang penuh saingan dan bersifat global.